

Travnik, 05.04.2018.

Broj: 04-40/18

POZIV ZA U EŠ E

Poštovani,

Uvažavajući i Vaše prijedloge i sugestije o terminu održavanja ovogodišnjeg, trećeg po redu Međunarodnog simpozija tekstilnog inženjerstva i modnog dizajna *TImod 2018*, zadovoljstvo nam je obavijestiti Vas da će se Simpozij održati 20-22.04.2018. na Fakultetu za tehničke studije Univerziteta u Travniku.

Cilj simpozija *TImod 2018* je nastaviti kontinuitet stručnog usavršavanja kroz stručni certificirani seminar i kroz različite sadržaje koji su planirani, razmijeniti iskustva i prakse u periodu od proteklog *TImod-a*.

Učesnici će i ove godine imati priliku da se promovišu preko *TImod štandova*, a mogu prijaviti i direktno u eš e u Programu kroz prezentaciju svoga rada uz prethodnu najavu i dogovor sa organizatorom.

Novost *TImod-a 2018* jeste **samostalno** predstavljanje radova studenata Fakulteta za tehničke studije smjera Tekstilno inženjerstvo i dizajn u okviru modne revije koji će pokazati svoj rad i kreativnost pod nazivom „*TImod 2018 – Pogled u budućnost*“. Na istom načinu će i učesnici Mješovite srednje tehničke škole iz Travnika promovirati rezultate koje postižu u okviru tekstilnog smjera. Samo mali dio onoga šta rade i čime se bave predstaviti na modnom revijom pod nazivom „*TImod 2018 – To smo mi*“.

Želimo se podsjetiti takmičenja srednjih škola iz „Konstrukcije odjeće“ i „Praktične nastave“ koje je održano na prošlogodišnjem *TImod-u* u kojem su škole pokazale veoma izjednačene rezultate. Učesnici Mješovite srednje škole iz Tešnje su bili uspješniji od učesnika drugih škola i osvojili su dvije prve nagrade. I za *TImod 2018* većina škola je već usmeno najavila dolazak na takmičenje sa najboljim učesnicima kako bi konkurisali za osvajanje prvih mjesta i vrijednih nagrada koje i ove godine osigurava naš glavni sponzor „Kimateks“ iz Žepča.

Uvijek aktuelna tema ljudskih resursa i ove godine će imati posebno mjesto i biti posebno osvijetljena na Okruglom stolu koji će se okupiti u esnike na temu paradoksa koji se dešava u Bosni i Hercegovini: Tekstilna industrija doživljava ekspanziju a istovremeno zbog odlaska ljudi iz naše domovine nedostaje tekstilnih radnika!

TImod 2018 Vas poziva da pokušamo zajedno u našem Okruglom stolu dati prijedloge i smjernice kako riješiti trenutno gorući problem tekstilne struke.

U prilogu ovog dopisa nalazi se Prva obavijest i okvirni Program sa uputama i kontakt informacijama.

Nadamo se da ćete u ovom Pozivu prepoznati naše namjere koje nisu kratkoročne, već istinski želimo da *TImod* postane mjesto gdje će se susretati stručnjaci iz različitih nivoa tekstilne struke: obrazovanja, edukacije, proizvodnje i tržišta, kako bi zajedno unapređivali stanje u tekstilnoj industriji. Svi koji smo sudionici procesa i članovi tekstilne porodice u BiH imamo odgovornost prema našoj struci koju jedino, *Mi* kao njeni predstavnici možemo unapređivati i razvijati. Svi nivoi, osnovno, srednje i visoko obrazovanje, realni sektor i tržište gdje se susreću ponuda i potražnja, trebaju biti ujedinjeni u jedan proces koji može uspostaviti sistem za bolju budućnost tekstilne struke i ljudskih potencijala koji tu struku nose. Fakultet za tehničke studije, kao jedna karika u lancu navedenih, organiziranjem ovog međunarodnog simpozija *TImod 2018*, pokazuje kontinuitet u radu i želju da se i ove godine vidimo u Travniku i zajedno nastavimo put naših poslovnih odnosa koji su ključni za naš uspjeh i prezentacija snage jedne struke koja bez jedinstva ne može imati kvalitativni odraz na polju razvoja i stabilnosti plasmana u svim segmentima njenog poslovanja i postojanja.

Radujemo se susretu i čekamo Vas u Travniku!

Bit ćemo slobodni da Vas kontaktiramo u cilju dobijanja povratne informacije.

Srdačan pozdrav!